



Inatsisartunut ilaasortaq Maliina Abelsen, Inuit Ataqatigiit
MAANI

§ 37 naapertorlugu apeqqummut 2013-25-mut Royalty, akissuteqaat

Inatsisartut suleriaasianni § 37 imm. 1 naapertorlugu, royalty-mik akileraarusersuinissamut tunngatillugu Naalakkersuisunut makkuningga apeqquteqarputit.

1. maj 2013
Sagsnr. 2013-080134
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Qaqugu Naalakkersuisut aatsitassarsiornermi akitsuusersuineramik inatsisit atuuttut aqqugalugit inatsimmik allannguutissamik saqqummiussiniarpat?

Akissut:

Aatsitassarsiornermut suliniutini royalty-mik atuutsitsilernissamut aalajangiinissamut tunngaviusussat, qaammatit tulliuuttut ingerlaneranni Naalakkersuisut inaar-sarniarpaat.

2. Inatsisit atuutereersut sorliit atorneqarniarpat? Akileraartarnermut inatsit atorniarneqarpat, imak paasineqassava aatsitassat tamarmik nunatsinniittut taamatut tunisassiornermi akitsuuserniarneqartut?

Akissut:

Apeqqummut 1-imut akissuteqaat innersuussutigineqarpoq.

3. Aatsitassarsiortunut misissuinissamik akuersissuteqareersunut Inatsisit atuuttut unioqquutitsinneqassappat akitsuusersuineq atuuttussanngortinneqassagalarpat? Tassami Aatsitassarsiornermi inatsit tunngavigalugu nalinginnaasuvoq tunisassiornermi akitsuusiiniarluni allannguisoqassappat siumungaaq nalunaarutigineqareertarnissaat. Taamaappat ilimagineqarsinnaava allannguinerit ilumut inatsisinik tunngaveqarnerat suliffeqarfinit eqqartuussinikkut misilinneqarniassasut taarsi-iffigeqqusineramik imalinnik?

Akissut:

Inatsisilerineramik suleriaatsimut pitsaasumut naapertuuttumik aammalu aatsitassarsiornermik suliaqartut qanimut oqaloqatigalugit Naalakkersuisut akileraarusersuinermit ilusiliaq ilusilersorniarpaat. Oqaatigineqareersut aalajangiinissamut tunngaviusussat qaammatini tulliuuttuni inaarsarneqassapput.

4. Akitsuusersuineq nutaaq Aatsitassarsiornermi periutsip 2014-imi allanngortittussa q sioqqullugu eqqunniarneqarpa?

Akissut:

Aatsitassarsiornermik suliaqartut qanimut oqaloqatigalugit Naalakkersuisut sapinngisamik piaarnerpaamik siunissami akileraarusersuinermit ilusiliaq aalajangersarniarpaat.

5. Naalakkersuisut naapertuussoraat akitsuusersuinermi allannguinissaq, tamakkiisumik aatsitassarsiornermi periutsip 2010/2011 tikillugu atuuttus-

satut partiinit tamanit isumaqatigineqartup allangornissaanut piareersaasiortoqarsimangikkaluartoq?

Akissut:

Aatsitassanut periusissap maannakkut atuuttup atuuffissaa 2014-imi naasusaavoq. Periusissamik nutarterinermut suliaqarneq Naalakkersuisut aallartereepaat, ilanggullugu akileraarusersuinermit ilusiliaq atuutilertussa. Naalakkersuisut naliliippat akileraarusersuinermit ilusiliaq, suliffissuit aningaasaliinissamut tungavissaat eqqarsaatigalugit piaarnerpaamik aalajangersarneqartariaqartoq.

- 6. Naalakkersuisut tunisassiornermi akitsuusersuinermi ilisimasat nunani tamalaani ilisimaneqartut atussamaarpaat.**

Akissut:

Naalakkersuisut soorunami nunanit allanit royalty-mik akileraarusersuinermit atuutsilersimasunit misilittakkat ilaatissamaarpaat.

- 7. Taamaassimappat, Naalakkersuisut atussamaarpaat Naalakkersuisuusimasut siunnersuutigisaat, tassalu ilisimasallit nunani tamalaaneersut ingerlaavartumik siunnersuisussat qanoq periuseqaraanni nunarput annerpaamik pilsarsisinaanersoq aatsitassarsiornerup iluani? Ilisimasallit partiinit tamanit malinnaaffigineqarsinnaasut?**

Akissut:

Naalakkersuisooqatigiit maannakkut atuuttut qineqqusaarnerminni aalajangersareerpaat, royalty-mik atuutsitsisoqalissasoq, tassalu aalajangiinissaq taanna pereerpoq. Akileraarutinut ilusilianut atuutilertussanut suliaqarnermi aammalu akileraarutinik nakkutiginnittariaatsimik tulluarnerpaamik aalajangersaanermit immikkut ilisimasallit attuumassuteqartut Naalakkersuisut peqataatissamaarpaat.

- 8. Taamaassanngippat, qanoq iliuseqarluni Naalakkersuisut nunani tamalaani ilisimasat ingerlaavartumik atorniarpaat, qanorlu partiit tamaasa ilisimatitarnissaat isumaginiarneqarpa?**

Akissut:

Apeqqut 7-imut akissuteqaat innersuussutigineqarpoq.

- 9. Naalakkersuisut nunami isumaqatigiissutaasumik aatsitassarsiornermi akitsuusiisarnermi periusissaqarnissaa ajunngitsutut isigaat? Naalakkersuisut aalajangersimasunik patajaatsumillu sinaakusiinissaq, ingammik nunatta aatsitassarsorfittut inissisimanginnerani ajunngitsutut isigaat?**

Akissut:

Atugassarititaasussanut sinaakuttissat patajaatsut pisariaqartinneqartut Naalakkersuisut isumaqatigaat, aammalu maluginiaqqussallugu naalakkersuisooqatigiinni partiit marluk 2004-imi taamatullu 2009-imi aatsitassanut periusissamik aalajangersaanermit siuttuusimammata.

- 10. Naalakkersuisut aatsitassarsiortut tunisassiornermi akitsuusiinernerup ilusilersornissaanut peqataatinniarpaat? Taamaassimappallu qanoq?**

Akissut:

Ilusiliat pisortanut taamatullu suliffissuarnut iluaqutaanerpaasussat nassaarinissaat siunertaralugu, akileraarusersuinermit ilusiliat atuutilertussat Naalakkersuisut oqaluuseriniarpaat.

11. Naalackersuisooqatigiinnermut isumaqatigiisummi allaqqasoq: "Aatsitasarsiornikkut piaanissamik pilersaarutit suliniutillu angisuut aallartheriaan-naat isumaqatigiisutareersut malillugit piviusunngortinneqassapput" qanoq tamanna paasineqassava? Imaappa London Miningip misissuinissaminnut akuersissutaanni aalajangersareersimasut allanngortinneqassasut, imaluunniit isumaqatigiisutaareersut malillugit ingerlanneqassasut? Allatut oqaatigalugu, London Mining Isuani suliniummi akiliisinneqartassasoq "akitsuusi-nikkut, akitsuusiineq nunarsuarmi akiusut tunngavigalugit aalajangersarneqartoq?

Akissut:

Government Take-nut ilusiliaq naleqquttoq pillugu Naalackersuisut London Mining-imut isumaqatiginninniarnit aallartinniarpaat.

12. Naalackersuisunngortitsinermit isumaqatigiisummi allaqqavoq Aatsitassarsiornermit nakkutilliisoqarfimmik pilersitsisoqassasoq. Nakkutilliisoqarfiup suna suliarissavaa, qaqugulu pilersinneqassava?

Akissut:

Naalackersuisut aallaqqaammut Aatsitassanut Ikummatissanullu Aqutsisoqarfimmi nakkutilliinnermut immikkoortortaqaqfik nukittorsarniarpaat. Suliniutit allat tamatumunga nangissutigalugu nalilersorneqassapput.

13. Sunik tunngavilersuuteqarluni Aatsitassanut Ikummatissanullu Pisortaqaqfik Naalackersuisoqarfingortinniarneqarpa? Suut iluaqutaassappat?

Akissut:

Naalackersuisooqatigiit nutaat Inuussutissarsiornermut, Aatsitassanut Suliffeqarnermullu Naalackersuisoqarfik pilersippaat. Allat iluarsissutaasinnaasut aatsitassanut ikummatissanullu inatsimmi allannguuteqartitsinermut atatillugu pissapput.

14. Akileraartarnermut inatsiserisarput inukitsunnguunitsinnut inuussutissarsiu-titigullu aaqjissuussaansinnut naleqqussagaavoq. Suliniutit angisuut maanna inatsisaasumut oqimaaqisumik angusaqartitsinialertussaassaaq. Qanoq iliorlutik Naalackersuisut akileraartarnermut inatsit inuussutissarsiu-tit akileraartarnerannut toqqaannartumik arlalinnik aalajangersaaffiginninnis-saa nalimmassarniarpaat? Naalackersuisooqatigiissimasut immikkut ilisi-masallit nunani tamalaaneersut siunnersuuteqartartussat innersuusutigisimavaat.

Akissut:

Inuussutissarsiornermut akileraarusersuinermit suliassaqaqarfimmi maleruagassat maannakkut atuuttut misissorneranni, ilaatigut danskit akileraartarnermut ministe-reqarfiata suleqatiginissaa Naalackersuisut siunnerfigaat. Misissuinermit siunerta-assaag maleruagassanut tunngaviusut ukiuni aggersuni inuussutissarsiornermik ineriartortitsinissamut piareersimatinnissaat.

15. Qanoq iliuuseqarlutik akitsuusiisoqarpat akitsuusiisoqanngikkaluarpalluun-niit, Naalackersuisut allaffissornerput piginnaanngorsarniarpaat, suliffeqarfiit akileraarutissaminnik akiliisarnissat qulakkearniarlugu kiisalu iluanaarutininunanut allanut nussuinnginnissap pinaveersaartinnissaa eqqarsatigalugu.

Akissut:

Apeqqut 7-imut aamma 14-imut akissut takuuk.

16. Naalackersuisooqatigiit nalunaarutigereerpaat Sulianut angisuunut inatsit Inatsisartuni suliarineqaqqissasoq kiisalu akitsuusiisarnissaq inatsisiliuunneqassasoq aatsitassarsiornissamut qinnuteqaatinut akuersinissanut isumminnginnermi, taamaammallu paaserusuppara Naalackersuisut piffissalersuineq eqqarsaatigalugu qanoq takorluugaqarnersut. Qaqugu suliniutit angisuut pillugit inatsit kiisalu tunisassiornermi akitsuusiinissamut inatsit Inatsisartuni suliarineqaqqissappat kiisalu suliniutinut angisuunut tunngatillugu Folketingemi suliareqqiinissaq qaqugu pissasoq ilimagineqarpa?

Akissut:

Suliat 2013-imi inaarsarneqassasut Naalackersuisut naatsorsuutigaat. Suliniutinut angisuunut inatsit Kalaallit Nunaanni inatsisaavoq aammalu folketing-imi suliarineqartussaanani.

Inussiarnersumik inuulluaqqusillunga



Jens-Erik Kirkegaard